



ル 6  
437  
13

第十三册  
卷之二十八  
言蹟 陵墓附  
卷之二十九  
帝王 后妃附



門呂  
第437  
卷18

盛京通志卷之二十八

古蹟 陵墓附

遼地自秦漢郡縣以來歷朝遺蹟簡冊或不能詳遼  
金定鼎而京華鉅麗史乘所傳如昨也夫商盤夏鼎  
博物者尤深考古之思矧遺墟舊壤流覽寧無遐寄  
乎至若前代帝王陵寢祀典有經朝勳舊塋豐碑著  
蹟地以人重皆足昭示來茲是所宜兼及者也

興京境內古蹟

定理府

故挹婁國地唐時渤海大氏建府領濬定二州遼因

之金廢

定州

高麗置渤海因之屬定理府遼改定州保寧軍金廢

定東縣

本高麗故縣遼屬定州金廢

元菟郡

後漢書註在遼東

建州

渤海置遼廢明初置衛於此以上舊址俱無考按五代史

遼徙晉帝太后於建州自遼陽更南行千二百里始至元史塔出傳乃顏叛塔出棄妻子與麾下十二騎

直抵建州拒咸平千五百里以地形考之卽遼之建州至元猶未嘗廢也咸平今開原縣境去

與京不遠明所置建州衛恐非元以前之建州

奉天府

承德縣境內古蹟

險瀆縣

西漢置隸遼東郡

按地志言古集州爲漢險瀆縣故首記險瀆於此但考綱目內釋地

一條險瀆在樂浪淇水之東淇水又在平壤城東平壤在今鴨綠江東則險瀆已入高麗界不在承德境內也

瀋州

唐時渤海置定理府遼太祖置興遼軍後改瀋州昭

德軍金初因之又更爲顯德軍元廢州併入瀋陽路  
舊址無考按瀋水在城南四里古瀋州應在今城內之地

廣州

漢屬襄平縣高麗爲當山縣渤海爲鐵利郡地遼初  
置鐵利州開泰七年改廣州領昌義一縣金廢州併  
入章義縣故址無考按章義站在今縣城西南則廣州亦近西南之境

樂郊縣

遼太祖俘三河之民至此建縣名三河縣後更名樂  
郊爲瀋州治金瀋州統樂郊縣又有章義遼瀕挹婁  
雙城四縣後俱廢今考其地在城之東北隅明時爲

軍營

章義縣

漢屬襄平縣地遼太祖置昌義縣隸廣州金改章義  
縣元廢今城西南七十里舊有章義站卽其地也

靈源縣

遼初建漁陽縣後更名屬瀋州金廢舊址無考

白巖縣

本渤海置遼因之屬瀋州舊址無考

集州

右陴離郡地漢爲險瀆縣高麗爲霜巖縣地渤海置

州領奉集一縣遼置集州懷衆軍金併州入縣

按懷衆金

史作懷遠今按其地在城東南

崇州

本漢長岑縣地渤海置州領崇山瀉水綠城三縣遼置崇州隆安軍統崇信縣州在今遼陽東北一百五十里應在承德界內故址無考

奉集縣

渤海置遼因之金廢集州以縣屬貴德州縣有渾河今城東南四十五里有土城週圍四里名奉集堡考碑記又為古霜巖縣熊延弼經畧遼東此為重鎮

遼瀆縣

在奉天西北一百八十里本拂涅國地遼初為東平軍置海瀆縣隸遼州遼太祖改為始平軍金併入縣末年廢

按金史縣境有遼河今遼河西有遼瀆塔乃承德廣寧交界之地

瀋陽路

元元貞二年置瀋陽等路安撫高麗軍民總管府轄總管五千戶二十四百戶二十五明廢

瀋陽等處怯恰千戶所

元至治元年置舊址無考

中衛

明洪武二十年於瀋陽路置瀋陽中衛在今城內

國朝廢  
撫順千戶所

明洪武中置千戶所於撫順城

國朝廢城屬縣界內增設官兵

蒲河千戶所

明洪武中置所於蒲河城

國朝廢城屬縣境內 按前漢書遼東郡統襄平新昌無慮望平房縣侯城遼隊遼陽險瀆

居就高顯安市武次平郭西安平文番汗沓氏十八縣後漢書遼東郡統襄平新昌無慮望平房侯城安市

平郭西安平文番汗沓氏十一城又安帝置遼東屬國別領昌遼賓徒徒河無慮險瀆平房共六城多在

遼西今志內有見於史冊者則詳之其不詳者蓋自遼金時已不可考矣

遼陽州境內古蹟

遼東郡

秦置屬遼東外徼漢晉因之唐破高麗改為遼州而

郡廢 按唐書太宗圍遼東城駐蹕首山則郡城卽今州城之地唐高祖平高麗置安東都護府

襄平縣

漢置魏晉因之後入高麗縣名遂廢相傳城西北隅

明左右後三衛治卽其地

居就縣

漢縣遼時爲鶴野故址無考

新昌縣

漢縣晉慕容皝徙新昌入襄平故址無考

遼陽縣

西漢置屬遼東郡東漢改屬元菟郡晉省入襄平渤海為金德縣地遼以遼東故城為東京復設遼陽縣金因之縣倚東梁河國名几胡魯必刺俗名太子河元為遼陽路倚郭縣以鶴野縣警巡院入焉明廢縣屬衛舊址無考

平州

按晉書後漢公孫度自稱平州牧魏克公孫淵遂置平州晉因之後魏廢仍稱遼東郡今州城東四十五

里有土堡俗猶呼平州

安平縣

按晉書有安平縣隸遼東郡末年高麗更置州郡遂廢今城東六十里有屯名安平

高麗城

高麗據遼東時建亦名遼東城相傳今州城東南隅明定遼中衛治俗稱高麗營是其故址也

遼州

唐平高麗以其地為遼州與遼所建在廣寧者不同安東都護府

按唐書總章元年李勣平高麗初置安東都上護府於平壤城上元三年徙遼東郡故城儀鳳二年又徙

新城開元二年徙於平州聖曆元年更名安東都督府神龍元年復故名開元二年徙於平州天寶二載又徙於遼西故郡城至德後廢。按唐志唐高宗平高麗置都督府九新城遼城哥勿衛樂舍利居素越喜去旦建安也州四十二縣百置安東都護以統之州縣之名唐史未詳所可知者南蘇蓋牟代那倉巖磨米積利黎山延津木底安市諸北識利拂涅拜漢十四州而巳元時置安撫高麗軍民總管府亦分十州州新設遼城哥勿建安南蘇木底蓋牟代那倉巖磨米積利黎山延津安市與唐府州大槩相同而以高麗人領其職則亦非復遼東境內矣

### 渤海城

唐時渤海大氏建在今州城東北隅遼改擴東京遂

廢按渤海之地有三其曰郡者則兩漢晉魏隋也郡治遷徙不一在幽冀兗三州地縣則金元有之屬山東濱州之倚郭一而已其曰國者自唐始即大氏所都也地直營州東二百里南北抵新羅東窮海西

抵契丹地方五千里營州今錦州府境渤海去錦州東二千里應不在遼陽境內則以遼陽即渤海國者

誤矣

### 遼東京

按遼志神冊四年葺遼東故城爲東平郡天顯三年升爲南京城名天福高三丈重樓櫓幅幘三十里八門東曰迎陽東南曰韶陽南曰龍原西南曰顯德西曰大順西北曰大遼北曰懷遠東北曰安遠天顯十三年改爲東京遼陽府轄州府軍城八十七統縣九金爲東京路遼陽府東京領遼陽鶴野宜豐石城四縣東京路府一領節鎮一刺郡四縣十七末年兵亂皆廢

### 遼宮殿

在城東北隅高三丈南爲三門壯以樓觀四隅有角樓相去各二里宮墻北有讓國皇帝御容殿大內建



二殿不置宮嬪惟以內省使副判官守之末年廢按地卽在今州城之東北

東丹王宮

在城東北隅內有讓國皇帝御容殿有大東丹國新建南京碑銘今無可考

鶴野縣

本漢居就縣地唐渤海置雞山縣遼改鶴野以丁令威化鶴名也金因之屬遼陽府元併入遼陽縣按明一統

志在今州城西八十里

衍州

遼置衍州安廣軍領宜豐一縣屬遼陽府金併州入縣在今州城西南

湯州

本漢襄平縣地遼置湯州故縣五靈峯常豐白石均

谷嘉利皆廢按遼史州在東京西北一百里

宜豐縣一作宜風

遼置衍州附郭金改州爲縣元省入遼陽路按遼史河其地應在今州城西太子河之傍

巖州

本高麗白崖城唐太宗攻拔之以其地爲巖州遼改

巖州白巖軍隸瀋州金初改屬東京之石城縣興定三年以石城縣之靈巖寺爲巖州元廢今按州城東城山上古石壘猶存土人相傳爲巖州是也

石城縣

金初分巖州地爲石城縣元廢今按其地在州城東石城山之下

東安縣

金置元廢按金志巖州倚郭縣曰東安應在山上石城之內

白巖縣

渤海置遼因之屬巖州金廢考 皇輿表白巖屬瀋州已係承德縣下今仍前志並記於此以俟參考

遼陽路

元初存東京至元二十四年始立行省二十五年改東京爲遼陽路

蝎臺

按明一統志在今城外東北隅金大定中修城役夫毀臺取土及半得石函啟之中有塊石圓滑天成搖撼作聲破之二大蝎尾稍相鈎見風乃死今臺址無考

景遷堂

按明一統志在今州城內元權遼陽府事洪草所建草有志於學慕慈母三遷之教故名今基址無考

遼海亭

在城內金高士談詩殘雪樓臺山向背夕陽城郭水

西東末云自嘆不如華表鶴故山常在白雲中又張解詩晴光搖碧海遠色帶滄州今故址無考

華表仙庄

丁令威學道仙去事見仙釋城內舊有石柱道觀後為倉

釣魚臺

在城南三十里相傳渤海大氏遊觀之所

僊人臺

即千山之最高頂也

在千山香巖寺俯看滄海如在衽席之下僊人對奕之所石枰遺蹟猶存

遼陽等處怯恰千戶所

至治二年置後廢址無考

雪菴塔

元僧雪菴歿有舍利塔在千山香巖寺塔若二石曰相合內注水四時不竭傍一孔可入手得圓石然不能出也

廢都司

明洪武四年置定遼都衛八年改遼東都指揮使司任城內今廢

定遼中衛

明洪武十七年置在城內今廢

定遼左衛定遼右衛定遼前衛

以上三衛俱明洪武四年置為千戶所十年陞為衛在城內今並廢

定遼後衛

明洪武四年置衛治於得利羸城八年改城內今廢

東寧衛

明洪武十九年置轄六千戶所俱在城內今廢

廢行太僕寺

明洪武十三年建在都司治西南今廢

廢苑馬寺

明永樂五年建在都司治西今廢

自在州

永樂七年置開原城內後徙都司城內今廢

海城縣境內古蹟

沃沮國

遼史海州本沃沮國地高麗為沙卑城按後漢書東沃沮北與邑

婁南與濊貊接在蓋馬大山之東今據明一統志以蓋馬大山地在朝鮮則其國都在今縣界之外海州其外邑也後漢書又有北沃沮去南沃沮八百餘里今舊址皆無可考。按魏志東沃沮在高句麗蓋馬大山之東濱大海而居北與挹婁扶餘南與濊貊接初衛滿王朝鮮時沃沮皆屬焉前漢武帝元封二年殺

滿孫右渠分其地為四郡以沃沮城為元菟郡後徙高句麗西北沃沮還屬樂浪漢末臣於句麗其土地肥美背山向海宜五穀善田種人性質直疆勇飲食居處衣服禮節有似句麗北沃沮去南沃沮八百餘里亦與挹婁接大抵在今寧古塔之西

遼隧縣

漢置元菟郡公孫淵遣裨將拒司馬懿於遼隧即此

晉省

按水經小遼水西南至遼陽縣入大遼水註云西南流逕遼陽縣與大梁水會今按小遼水即渾河大梁水即太子河渾河經承德縣界內合於沙河又西南經遼陽入太子河經海城與遼河會為三

房縣

漢置屬遼東晉省入襄平水經云遼水過襄平縣西

又南過房縣又東過安市縣西南入海

今按古襄平在今遼陽安

市在今蓋平則古房縣應在海城界內舊址無存

順州

本遼隧縣地遼置在顯州東北一百二十里

仙鄉縣

漢遼隧縣地渤海為永豐縣遼改仙鄉屬東京以仙

人白仲理得名也金廢

按明一統志在今縣城西六十里

沙卑城

高麗置唐太宗伐高麗程名振攻沙卑夜入其西城

即此舊址無考

渤海南京城

按遼史海州渤海號南京南海府蓋石為城幅員九里都督沃晴椒三州沃沮鶯巖龍山濱海昇平靈泉六縣遼改為海州南海軍舊址無考

海州城

遼即南海府建海州南海軍領耀嬪二州臨溟一縣

金海陵改澄州元俱廢舊址無考

銅州

渤海置遼為銅州廣利軍統析木縣

澄州

本遼海軍金天德三年改州名領臨溟析木二縣元

初因之後俱廢

析木縣

本漢望平縣地渤海置花山縣遼改曰析木初隸東

京後屬銅州廣利軍金廢州以縣改屬澄州元俱廢

今縣城東南四十里有土堡曰析木城

耀州

本渤海椒州遼置耀州領巖淵一縣渤海所置椒山

貂嶺澌泉尖山皆廢金併廢耀州

按遼志云東北至海州二百里明一

統志云在海州衛西南二百里今縣城西南六十里有耀州城舊志所載道里或誤否則遷徙未詳也

巖淵縣

渤海置遼因之屬耀州金廢

按遼志云東北至海州一百二十里今舊址不

可考以耀州道里計之應在

縣城之西南在耀州之東北

嬪州

本渤海晴州領天晴神陽蓮池狼山仙巖五縣遼盡

廢改置嬪州柔遠軍屬海州金廢

按遼史在海州西北一百二十里今

舊址無考應在海

城廣寧交界之地

洗馬澗

相傳唐尉遲恭洗馬於此即城南八里河

薛仁貴擲戟泉

相傳唐薛仁貴擲戟泉水湧出在城西南二十五里

鄧家臺

煉丹臺

相傳仙人白仲理煉神丹之處在城西二十里四臺

子

管公屯

相傳管寧依公孫度寓所在城西北五十五里新臺

子

蓋蘇屯

唐高麗蓋蘇文所居故名在城西北三十里耿家莊

廢海州衛

明洪武元年置今廢在縣城內

蓋平縣境內古蹟

安市縣

西漢置屬遼東郡晉廢縣高麗為安市城唐征高麗

薛仁貴白衣登城即此

按明一統志在今縣城東北七十里安市唐書薛仁貴傳

作安地

番汗縣

漢縣屬遼東郡舊址無考

平郭縣

西漢置屬遼東漢時遼東郡皆治襄平晉慕容氏改

鎮平郭後廢

按漢書志其地有鹽官鐵官應在今縣界內舊址莫考

興遼縣

本平郭縣地漢有昌遼城隸遼東屬國今無考渤海

即平郭縣地為長寧縣至大仁秀後改興遼縣遼因

之金廢

按其地在縣界內舊址無考

盧州

本渤海杉盧郡地領山陽杉盧漢陽白巖霜巖五縣

遼置盧州元德軍領熊嶽一縣金廢州併入縣隸蓋

州舊址無考

蓋牟城



高麗置唐太宗征高麗李勣攻破蓋牟城卽此舊址  
無考

辰州

本高麗蓋葛牟城唐太宗改爲蓋州渤海因之又改

辰州謂本辰韓地也遼陞辰州奉國附郭置建安縣

金明昌四年爲辰州遼海軍六年改蓋州奉國軍領

湯池建安岫巖熊嶽四縣

按魏志韓在帶方之南東  
西以海爲限南與倭接方

可四千里一曰馬韓二曰辰韓三曰弁韓據此則三  
韓乃在海中所謂辰州者以路辰韓得名非謂蓋州

卽辰韓也俗以遼  
東爲三韓者誤也

鐵州

漢爲安市縣地高麗爲安市城渤海置州領位城河

端蒼山龍珍四縣遼置鐵州建武軍領湯池縣金廢

州湯池縣改屬蓋州今縣城東九十里鐵場堡卽

其地也

湯池縣

遼置隸鐵州建武軍金隸蓋州元廢遺址在縣東北

六十里

建安縣

高麗置遼因之隸辰州金隸蓋州元廢

按唐書太宗  
已得蓋牟城

李世勣議西擊建安不如先  
攻安市今在縣城之西南

岫巖縣

按金志明昌四年陞大寧鎮為岫巖縣屬蓋州泰和四年廢貞祐四年復為縣元復廢今縣東二百四十里有舊岫巖城其東十里又有新岫巖城當卽此地其改築新城本末無考矣

熊嶽縣

本渤海杉盧郡遼置盧州元德軍領熊嶽縣縣西至海十五里傍有熊嶽山金廢州以縣屬蓋州元初省入建安縣至元三年又併建安縣入蓋州今縣城南六十里有熊嶽城詳見城池蓋州等處怯恰千戶所

元延祐五年置明廢所置衛舊址無考

廢蓋州衛

明洪武九年置蓋州衛在城內北隅今廢

開原縣境內古蹟

扶餘國

按後漢書在元菟北千里南與高句麗東與挹婁接土平敞宜五穀出名馬赤玉貂豹唐渤海大氏置扶餘府今縣治界內皆其地也。按三國志扶餘去漢元菟郡千里南與高句麗東與挹婁西與鮮卑接此有弱水方可二千里其民土著有宮室倉庫牢獄多山陟廣澤土宜五穀其人彊勇謹厚飲食皆用俎豆會同拜爵洗爵揖讓升降以殷正祭天其國善養牲出名馬赤玉貂豹美珠大者如酸棗有軍事祭天殺牛觀蹄以占吉凶蹄解者為凶合者為吉其居喪男女皆純白著布面衣去環珮大體與中國相彷彿今以道里計扶餘去漢遼東郡尚一千四五百里今之開原去遼陽城僅三百餘里而赤玉美珠相傳出

今黑江境內則扶餘府尚在  
邊外寧古塔黑龍江之境

黃龍府

本渤海扶餘府遼太祖平渤海還至此有黃龍見更  
名龍州黃龍府開泰九年遷其城於東北領益威清

雍安遠五州黃龍遷民永平三縣金廢府改屬隆州

今按其地在今縣界內其五州三縣地不可  
考然皆黃龍所轄亦今縣治所及之地也

永平縣

渤海大氏置遼因之金廢

黃龍縣

本渤海長平縣遼併富利佐慕肅慎置為黃龍府附

郭縣

遷民縣

本渤海永寧縣遼併豐水扶羅置

祥州

遼置祥州瑞聖軍隸黃龍府

懷德縣

遼置隸祥州

益州

遼置益州觀察屬黃龍府

靜遠縣

遼置屬益州

安遠州

遼置安遠州懷義軍

威州

遼置威州武寧軍

清州

遼置清州建寧軍

雍州

遼置刺史屬黃龍府

通州

本扶餘國王城渤海號扶餘城遼太祖改屬龍州聖

宗更置通州安遠軍統通遠安遠歸仁漁谷四縣金

廢按其地在今縣城西南

通遠縣

本渤海扶餘縣遼併布多縣置為通州附郭縣

安遠縣

本渤海顯義縣遼併鵲川縣置

漁谷縣

本渤海縣遼因之金廢

歸仁縣

本渤海強帥縣遼併新安縣置金因之併通遠安遠  
漁谷諸縣地屬咸平府元廢明於此設站在縣城之  
北

玉山縣

金承安三年置屬咸平府貞祐二年陞為節鎮軍曰

鎮安元廢按其地在縣城之北

隆州

金置隆州利涉軍按金志古扶餘之地遼太祖時為黃龍府天眷三年改濟州以金太祖

祖攻城時不假舟楫之祥也大定間改隆州貞祐初陞為隆安府領利涉一縣元廢今按其地應在縣東其所轄東至永吉州混同江西至今縣治之地也

利涉縣

金置隆州有混同江淶流河附郭元廢按金史利涉縣有混同江

應在今永吉州境前志係於開原縣者誤也

韓州

本藁離國舊治柳河縣高麗置鄭頡府領鄭頡二州

渤海因之遼太宗置三河榆河二州聖宗併二州置

韓州東平軍領柳河一縣金因之領臨津柳河二縣

元廢明於此置站在縣城之西北按魏畧藁離國在北方昔國王侍婢有娠王欲殺之婢云有氣如雞子來下身後生子捐之溷中猪以喙噓之徙至馬閑馬以氣噓之不死王乃令其母收畜之名曰東明常令牧馬東明善射王恐奪其國欲殺之東明走南至施掩水以弓擊水魚

鰲浮為橋東明得渡魚鰲解散追兵不得渡東明因王扶餘之地附志於此

鳳州

本藁離國故地渤海之安寧郡遼置州為南王府五帳州地在韓州北二百里今在邊外

遂州

遼置本高州地在檀州西二百里鳳州東南一百里南王府五帳放牧於此

棋州

本渤海蒙州地遼置棋州祐聖軍領慶雲一縣金廢在今開原縣廣寧交界之地

慶雲縣

遼太祖置縣曰密雲屬棋州後改慶雲金併州入縣屬咸平府元廢明於此置站今城西南四十里慶雲屯是也

開元城

明一統志在三萬衛西門外金末其將蒲鮮萬奴據遼東元初癸巳歲出師伐之生擒萬奴師至開元恤品東土悉平開元之名始見於此乙未歲立開元南京二萬戶府治黃龍府至元四年更遼東路總管府二十三年改為開元路領咸平府後割咸平為散府

俱隸遼東道宣慰司明始改三萬衛今縣城西古城舊址猶存其更築之年不可考

廢三萬衛

明洪武二十二年置在城內今廢明一統志云渤海

為上京龍泉府金改上京會寧府

今按渤海上京在烏喇界內開原在

渤海時為扶餘府金會寧府在今烏喇之東明時衛治以牙克薩山為界一統志誤也惟潛確類書云三

萬衛在開元古混同江城近是

開原等處怯恰千戶所

元至治元年置後廢址無考

廢遼陽衛

按明一統志在開元城內洪武十一年初置治牛莊二十六年始徙此又潛確類書云遼海在中國城

廢安樂州

明永樂七年置在城內今廢

花露臺

有二一在縣南四十里一在縣南三十里相傳邑中二姻親以華麗相尚各築一臺以自矜其建置之年無考

鐵嶺縣境內古蹟

咸州

本高麗銅山縣地渤海置銅山郡遼置咸州安東軍

領咸平一縣金改為咸平府安東郡領平郭銅山新

興慶雲清安歸仁玉山八縣舊址無考遼志云在漢

侯城縣北渤海龍泉府南地多山險寇盜淵藪今按其地

應在縣城東諸山中

咸平縣

唐安東都護天寶中治營平二州之間卽此遼初置

安東軍開泰中置縣為咸州附郭金初因之大定七

年更名平郭元廢舊址無考

銀州

本渤海富州遼太祖以置銀冶更名銀州富國軍統

延津新興永平三縣金廢按其地卽今縣城

延津縣

本渤海富壽縣遼因境有延津故城更名金廢舊址

無考

肅州

遼置肅州信陵軍統清安一縣金初因之屬咸平府

後廢按其地在縣城東北

雙州

本挹婁故地渤海置安定郡遼置雙州保安軍領雙

城縣金併州入縣今按其地在城之西南



咸平府

古朝鮮地箕子所封漢屬樂浪郡後高麗侵有其地  
置銅山縣唐滅高麗置安東都護統之繼為渤海大  
氏所據遼平渤海置安軍領縣曰咸平金陞咸平府  
領平郭安東新興慶雲清安歸仁等一州十縣元初  
因之隸開元路後改隸遼東宣慰司原管咸平新興  
慶雲銅山清安榮安陽山七縣明俱廢  
今按其地在  
縣城東南

銅山縣

遼同州鎮安軍本漢襄平縣地金初因之大定二十  
九年更名銅山元廢  
按金史南有柴河北有清河西  
有遼河其地應在今縣城之北

新興縣

故越喜國地渤海置銀州遼置縣仍隸銀州金廢州  
為縣屬咸平路元廢  
按金史境有范河北有柴河西  
有遼河應在故銅山縣南舊址

無考

清安縣

遼置隸肅州金初因之皇統三年降為縣元廢  
按其地  
在

縣城  
東北

榮安縣

金置元廢  
按其地在  
遼河之西

雙城縣

本渤海安彝縣地遼置隸雙州金皇統三年併州為縣隸瀋州章宗時廢相傳在今縣城西南六十里挹婁縣

本遼興州興中軍常安縣地金改挹婁縣屬瀋州謂挹婁故地也元廢按金史縣有范河清河國名即限必刺今縣南懿路城即挹婁故地肅慎縣

遼置與紫蒙歸仁順化三縣俱隸東京遼陽府今舊址無考惟懿路為挹婁故地或即肅慎縣界耳貴德州

本漢襄平縣地遼置貴德州寧遠軍領貴德奉德二縣元廢按遼志州有大寶山在今縣城東五十里外貴德縣

本漢襄平縣渤海為崇山縣遼置為貴德州附郭縣有范河金因之元廢按金志范河即今沈河也在縣城之南奉德縣

本渤海緣城縣地常置奉德州遼置縣金併入貴德縣

遂州  
本渤海美州地領黑山麓川二縣遼改遂州領山河一縣今廢舊址無考

山河縣

本渤海縣遼併黑山麓川二縣置

一臨津縣

金置隸韓州元廢

柳河縣

本渤海粵喜縣地遼併萬安縣置隸韓州金因之元

廢按金史遼以河為名有柳河柳河今考其河即縣界之內遼河外遼河也遼河至此分為二故有柳河柳河之稱南流近承德界合為一今無柳柳河名惟稱巨流河

永平縣

本渤海優富縣地遼改永平屬銀州金廢

同州

本漢襄平縣地遼置同州鎮安軍領東平永昌二縣

金併入銅山縣

東平縣

本漢襄平縣地遼改東平隸同州

永昌縣

本高麗永寧縣地遼改永昌隸同州金廢

唐王營

在帽峯山東南地平如掌相傳唐征高麗安營於此

廢鐵嶺衛

明初置鐵嶺衛於今縣城東五百里洪武二十六年徙今城內今廢

廢懿路千戶所

在城南六十里懿路城內明洪武二十九年調鐵嶺左右二千戶所於懿路城永樂八年調中千戶所於

懿路城按潛確類書有左右千戶所無中千戶所

廢范河千戶所

城西南三十里明正統年設中左千戶所今廢

廢看花樓

在東門外明萬曆間寧遠伯李成梁故園僅餘四壁

一石額門上壁間橫尺許梅幹儼然

永吉州境內古蹟

燕州

按唐書唐貞觀二年以其地為燕州後廢

黃龍府

聖祖仁皇帝御製文集云烏喇山嶼間古木灌莽潢潦遍野

即古黃龍府之地也

渤海上京城

按唐書渤海傳以肅慎故地為上京曰龍泉府領龍湖渤三州遼廢明一統志云即三萬衛地今考三萬衛乃渤海扶餘府地明以牙克薩山為界今開原以威遠堡為界則渤海上京應屬永吉界內

湖州

渤海置隸龍泉府遼改湖州興利軍領長慶一縣屬  
東京金廢

渤海州

渤海置隸龍泉府遼改渤海州清化軍領貢珍一縣屬

東京金廢

長慶縣

遼置金廢

貢珍縣

渤海置遼因之金廢

郢州

渤海置遼為郢州彰聖軍統延慶縣金廢

延慶縣

遼置隸郢州金廢

信州

本越喜故城渤海置懷遠軍遼改信州彰聖軍領武

昌定武二縣隸東京金仍信州彰聖軍改隸會寧府

領武昌一縣元廢明初城尚在設站於此

武昌縣

本渤海懷福縣地遼改武昌金因之元廢

定武縣

本渤海豹山縣地遼初名定功後改名金廢

賓州

遼置賓州懷化軍金廢舊址莫考

按遼史置刺史於鴨子混同二水之間

隸黃龍府當在冷間

涑州

渤海置遼因之金廢舊址無考

按渤海傳以其近粟末河故名今按粟末

河即為混同江應在混同江左右之地

寧江州

遼置寧江州混同軍金廢

按金史金太祖攻遼先克寧江州後渡混同江則寧

江州在今混同江之東

混同縣

遼置屬寧江州金廢舊址無考然縣以江名亦江左

右之地

率賓府

本率賓國故地遼時置率賓府金改為恤品路

按遼史東

京所屬有鐵利府故鐵利國地又有安定長嶺鎮海三府冀州防禦吉州福昌軍濛州昌永軍順化城嚮義軍寧州觀察連州德昌軍河州德化軍祥州瑞聖軍安州榮州率州荷州源州渤海州及平南新安安民懷德四縣沿革未詳遠近無考然皆遼東京所屬之地故備錄之

會寧府

遼初為州金太宗以建都升為府天眷元年置上京留守司東至胡里改路六百三十里西至肇州五百五十里北至蒲與路七百里東南至恤品路一千六百里

會平州

金天會二年築後廢

會寧縣

金初置為附郭縣元廢境內有長白山青嶺馬紀嶺

渤野淀緣野淀

按出虎河有混同江涑流河又有得勝陀金太祖誓師之地也

曲江縣

金大定七年置鎮東縣隸會寧府十年更名曲江元廢

宜春縣

金大定十年置屬會寧府元廢

肇州

舊出河店也金天會八年以金太祖肇基王迹於此建為州統始興縣承安三年陞為節鎮軍名武興在

混同江東境內有黑龍江元廢明初有站今舊址無

考按元史元貞元年立肇州屯田萬戶府以遼陽行省左丞阿散領其事而大一統志與經世大典皆不載此州不知其所屬所領之詳而地理志則附於廣寧府路之下以為乃顏分地故耳乃顏者廣寧王

李魯古歹之子今以事跡考之所屬有女直屯田戶疑卽金之肇州也

始興縣

金置肇州附郭有鴨子河黑龍江

合懶路

金置兵馬都總管府西北至上京一千八百里東南

至高麗界五百里元廢路今其地應在鳳凰城之東

北朝鮮界

恤品路

金置節度使本遼時率賓府地元廢今在

興京東南邊外西北至金上京一千五百七十里東北

至胡里改路一千一百里

曷蘇館路

金置節度使元末廢

開天弘聖帝廟

金大定中冊長白山神爲興國靈應王明昌中冊開

天弘聖帝備袞冕於山北建廟末年廢

興國應聖公廟

金大定中冊混同江之神爲興國應聖公備袞冕玉

冊立廟江側後廢

嘉蔭侯廟



金大定中冊封上京諸林為嘉蔭侯立廟後廢

九連城

明一統志云在三萬衛東北九十里連屬有九不言

其建置之由今應在永吉州界內舊址無考

按金史幹魯於

合懶甸之地築九城與高麗對出戰入守今鳳凰城

邊外有九連城遺址尚存按漢書武帝元封四年

開元菟郡東漢志謂在雒陽東北四千里去今遼陽

州東北四百里而前漢元菟所屬有高句麗上殷臺

西蓋馬三縣後漢安帝初元菟增入高顯侯城遼陽

三縣以是考之元菟郡多在盛京東北及永吉州

界內又考漢武帝元封三年開樂浪郡本故朝鮮國

東漢書謂在雒陽東北五千里去今遼陽州東北一

千四百里前漢志樂浪統朝鮮謂邯浪水合資黏蟬

遂成增地帶方馳望海真列口長岑屯有昭明鏤方

提奚渾彌吞列東眺不而蠶台華麗邪頭昧前莫夫

租二十五縣後漢樂浪所統自吞列以下八縣皆無

而樂都共十八城大抵多在今高麗境內又按遼史

史崇州隆安軍本漢長岑縣在今遼陽州東北一百

五十里紫蒙縣本漢鏤芳縣界西棋州祐聖軍故為

蒙州地在今開原境是樂浪郡之地亦有八盛京

管內者然不可考矣

肇州等處女直千戶所

元延祐三年置同時置有朶因温都兒乃良哈千戶

所舊址俱無考

廢都司一衛一百八十四所二十

都司日訥而干衛日建州日必里日兀者日兀者左

日兀者右日兀者後日赤不罕日屯河日安河以上

永樂二年置日毛憐日虎兒文日失里綿日訥兒千

曰堅河曰撒力以上永樂三年置曰古賁河曰右城  
曰塔魯木曰蘇溫河曰斡灘河曰無者前曰卜顏曰  
赤罕河曰納憐河曰麥蘭河曰兀列河曰雙城曰撒  
刺兒曰亦馬刺曰兀蘭曰亦兒古里曰脫水河曰卜  
刺罕曰密陳曰脫倫曰嘉河曰塔山曰阿速江曰速  
平江曰木魯罕山曰馬茨山曰土魯亭山曰木答里  
山曰朶林山曰兀也吾曰吉河曰劄竹哈曰福山曰  
肥河曰哈溫河曰木速河曰罕答河曰撒兒忽曰劄  
童以上永樂四年置曰阿吉河曰喜樂溫河曰木陽  
河曰哈蘭城曰可合河曰兀的河曰哥吉河曰野木

河曰納刺吉河曰亦里察河曰野兒定河曰卜魯丹  
河曰好屯河曰喜刺烏河曰考郎兀曰亦速里曰阿  
刺山曰隨滿河曰撒禿河曰忽蘭山曰古魯渾山曰  
阿資河曰甫里河曰答刺河曰撒只刺河曰阿里河  
曰依木河曰赤文山曰木蘭河曰朶兒必河曰甫門  
河以上永樂五年置曰納木河曰童寬山曰兀魯罕  
河曰答罕山曰者帖列山曰木興曰友帖曰牙魯曰  
刺魯曰益實曰乞忽曰兀里奚山曰希灘河曰弗朶  
禿河曰阿者述河曰撒叉河曰幹蘭河曰阿直河曰  
木忽刺河曰欽直河曰克默兒河曰察刺禿山曰嘔

罕河曰沅里河曰列阿河曰禿都河曰實山曰忽里  
吉山曰莫溫河曰薛列河以上永樂六年置曰卜魯  
兀曰葛林曰把城曰禮肥河曰忽石門曰禮嶺曰木  
里吉曰忽兒海曰伏里其曰乞勒泥曰愛河曰把河  
曰禾屯吉曰失里木曰阿倫曰古里河曰塔麻速以  
上永樂七年置曰木與河曰木刺河曰喜申曰使坊  
河曰甫兒河曰亦麻河曰兀應河曰法囚河曰阿塔  
赤河曰古木山曰葛稱哥以上永樂八年置曰督罕  
河永樂九年置曰建州左曰只兒蠻曰兀刺曰順民  
曰襄峒兒曰古魯曰滿涇曰峒兒蠻曰塔亭曰也孫

倫曰可木河曰弗思木曰弗提以上永樂十年置曰  
幹朶倫永樂十一年置曰哈兒分曰阿兒溫河曰速  
塔兒河曰五屯河曰言城曰和卜羅曰考哈河曰失  
兒兀赤曰卜忽禿河曰可河曰乞塔河曰兀刺忽以  
上永樂十二年置曰渚冬河曰劄真曰兀思哈里曰  
忽魯愛以上永樂十三年置曰吉灘河曰亦馬忽山  
以上永樂十四年置曰阿真同真曰亦東河曰亦速  
河以上永樂十五年置曰建州右曰益實左曰阿塔  
亦河曰塔山左曰城討溫以上俱正統間置千戶所  
曰兀者托溫曰兀者穩勉曰兀者屯河曰兀者撥野

木曰海刺兒曰哈流温曰兀禿河曰竦和兒曰哈三  
日哈刺哈曰兀的罕曰可里踢曰五音曰只陳曰鎖  
卽哈真河曰得的河曰奧江河曰哈魯門山曰古黃  
河曰敷答河以上永樂間置大約在今

與京永吉州寧古塔黑龍江之境末年皆廢遺址無考  
古磚城

在城西南四百餘里本阿濟漢費揚古所居內芍藥  
一本乃其手植春開爛漫迥異凡花相傳採取者多  
病目故至今尤茂卽花池甃磚皆依稀可辨  
長寧縣境內古蹟

唐王河古城

在城南三里唐王河傍建置之年無考

復州境內古蹟

永寧縣

遼屬復州懷德軍金改永康爲復州倚郭縣元廢

德勝縣

遼置屬復州金廢舊址無考

歸州

遼置歸州觀察領歸勝縣金廢  
今按州城北九十里  
有土堡曰歸州城

歸勝縣

遼置屬歸州金廢為鎮今舊址無考

橫山縣

相傳在城南六十里建置之詳無考

得利羸城

元季土人築以避兵在城東南六十里得利山之上

廢復州衛

明洪武十四年置在城內今廢

寧海縣境內古蹟

金州城

明一統志云唐置金州元廢按元史有金復屯田萬戶府是元亦未嘗廢也

舊址無考

新城

高麗置在南蘇城西隋大業九年王仁恭進軍至此

南蘇城

高麗置遼廢唐郭待封以舟師濟海伐高麗薛仁貴

戰於金山大破之拔南蘇木底蒼岩三城皆在今金

州界內地

木底城

高麗置唐廢

蒼岩城

高麗置唐廢

蘇州

本高麗南蘇地遼興宗置蘇州安復軍領來蘇懷化

二縣金廢

來蘇縣

遼置金廢

懷化縣

遼置金廢

化成縣

金置本遼蘇州地皇統三年改為縣隸復州貞祐四

年陞為金州元俱廢明即其地設金州衛今縣城是也

哈斯罕關

金名合斯罕猛安今在寧海城南十八里元至元二

十六年分京師應役新附軍一千人屯田哈斯罕關

東荒地即指此

鴻臚井

唐鴻臚卿崔忻所鑿在旅順口黃山之麓刻字於石

上

金州廢衛

明置在城東北隅今為縣治

中右千戶所

明置在金州

旅順古井

南近海并有鐵索懸樹上

錦州府

錦縣境內古蹟

柳城郡

秦置縣屬遼西郡後魏置營州於和龍城領建德遼東樂浪等郡襄平新昌柳城等縣隋初於汝羅故城

置遼西郡領遼西瀘河懷遠三縣開皇元年惟留建

德一郡龍城一縣尋廢郡改為龍山十八年改為柳

城大業萬歲通天元年為契丹所陷聖曆二年僑治

漁陽開元五年又還治柳城天寶元年更名營州柳

城郡唐貞元二年於燕郡守捉城置鎮安軍又有渝

關守捉城在城西四百八十里即臨渝也今臨渝故

地在山海關西四十里猶名渝關又有巫閭襄平汝

羅懷遠四守捉城巫閭襄平為漢縣汝羅懷遠則隋

縣也遼於柳城置歸化縣金廢故址無考

按唐營州本商孤竹國慕容氏徙都其地元魏立營州領昌黎建德樂浪翼陽營邱六郡後周為高寶寧所據隋大業中改遼

西郡唐武德元年改營州至開元五年營州還治柳城天寶元年改為柳城郡後唐復為營州遼為營州鄰海軍又考唐書營州西北百里曰松陁其西奚東契丹距營州北四百里至遼水營州東百八十里至燕郡城又經汝羅守捉渡遼水至安東都護府五百里故漢襄平城也東南至平壤城八百里西南至都里海口六百里西至建安城三百里故中郭縣也南至鴨綠江北泊灼城七百里故安平縣也自都護府東北經古蓋牟新城又經渤海長嶺府千五百里至渤海王城城臨忽汗海其西南三千里古肅慎城其北經德理鎮南至黑水靺鞨千里由是考之營州與柳城或合或分大抵在今錦州府邊境之地

徒河縣

漢置晉廢慕容廆析置神水縣遼因之

按明一統志謂在廣寧中

屯衛境虞舜時已有此城今應在錦縣界舊址無考

夫梨縣

漢縣在營州東南故址無存

錦縣

本漢遼東無慮縣慕容皝置西樂縣遼置錦州臨海

軍領嚴州及永樂安昌縣金因之領永樂安昌神水

興城四縣元時仍為錦州典中義瑞高利惠川建九

州併屬大寧路明廢以其地設廣寧中左右三屯衛

其舊址無考今郡城則中左二屯衛地也

遼西郡故城

漢置陽樂城又名遼西郡故城隋開皇初置總管府

統柳城縣大業初置遼西郡以地志考之在今奉天



府城西四百餘里漢書註陽樂在平州東邯鄲西部都尉故城

漢安帝時以為屬國都尉領昌遼賓徒徒河無慮險濱房六城以地志考之在今奉天府西南四百六十餘里

興中府

本孤竹國地漢柳城縣界隨柳城郡唐改營州遼為霸州彰武軍重熙十年陞為府統安德州黔州領興中營邱象雷閭山四縣金因之領興中承德興城宜民四縣元初因之至元七年改為州屬大寧路明廢

興中縣

本唐柳城地南有凌河遼太祖置霸城縣重熙中改興中縣金因之元廢

永樂縣

本晉慕容皝西樂縣地遼置永樂安昌興城三縣隸錦州金因之元廢今其地在界內舊址無考

承德縣

遼安德縣金改承德北有凌河

安昌縣

遼置隸錦州金因之元廢今城西九十五里有古安

昌縣之永和村城基有塔有碑

神水縣

遼置金皇統中廢為鎮大定二十九年復置縣隸錦

州元何實與賊遇於神水挺身陷陣即此

虹螺縣

一城西五十里虹螺山之陽有古虹螺縣考遼金元三

史無此名惟唐書唐平遼東置縣百其縣名未載恐

係唐時遺蹟也

開州城

一城東北五十里有古開州城

按遼金元三史此地俱無開州名或亦唐時遺

址也

花兒樓

在城東北四十里

梳妝樓

在城西北三十里相傳蕭太后建今毀遺址尚存

廢中屯衛

後屯衛

義州衛

在城內明洪武二十四年置廣寧中屯衛今廢

廢左屯衛

在城內明洪武二十四年置廣寧左屯衛今廢

廢右屯衛

明洪武二十六年置初在十三山後徙城東南七十  
里今廢城猶存

廢松山千戶所

在城南十八里明宣德三年置在廣寧左屯衛境

廢大凌河千戶所

在城東四十里明宣德三年置在廣寧右屯衛境

廢塔山千戶所

在城西南六十里明宣德中置中左千戶所屬寧遠

衛按前志上三所在云中右  
恐有誤照潛確類書改此

寧遠州境內古蹟

柳城縣

秦置屬遼西郡唐有柳城縣屬營州柳城郡縣境比

接契丹有東北鎮醫巫閭山祠

按此柳城當在廣寧  
以為廣寧與永平界

內者或別有  
遷徙未詳也

海陽縣

西漢置瀕海屬遼西郡慕容皝為集寧縣地遼改屬

隰州金屬瑞州元廢縣併入瑞州在前屯衛城西一

百一十里

來遠縣

唐置遼以其地置來賓縣故址無考

興水縣

州城西北十八里有興水縣城按遼金元三史俱無此名或亦唐時遺蹟也

瑞州

唐置遼改來州歸德軍金天德三年改宗州泰和六

年仍復瑞州領瑞安海陽海濱三縣元因之明廢州

為前屯衛城按其地在今州城西一百三十里

營邱縣

遼析霸城縣置在廣寧前屯衛西八十里

瑞安縣

本唐來遠縣地遼改來賓縣金明昌六年更宗安縣和六年改瑞安元廢故址無考

海濱縣

本漢陽樂縣晉慕容皝集寧縣地遼置縣隸潤州海

陽軍金封天祚為海濱侯即此後廢州為縣元俱廢

併入瑞州按明一統志置山海東關遞運所於此後廢○按潤州在盧龍塞東北西至渝關四

十里南至海三十里即山海關西之洋城前志謂在山海關以東蓋指其縣境而言耳

嚴州

本漢海陽縣地遼置嚴州保肅軍統興城一縣金廢

州併入縣舊址無考其應在州之西南

來州

遼聖宗置來州歸德軍領隰潤二州來賓一縣

興城縣

遼置隸嚴州金以縣隸興中府後隸錦州元廢

按金史縣

有桃花島在今州城南一十五里海中島上故址猶存

隰州

按遼史本慕容皝集寧縣地遼置隰州平海軍領海陽縣金廢故址無考

潤州

遼置潤州海陽軍統海濱一縣金併入縣舊址莫考

長城

卽秦將蒙恬所築歷代增修

望夫臺

前屯衛城西南七十里相傳秦時貞婦孟姜望夫處

巨無霸塔

州城西南六十里相傳長人巨無霸生此故名

廢寧遠衛

在城內明宣德三年置今廢

廢沙河所

城西南三十里明宣德中置中右千戶所於此今廢

廢前屯衛

城西南百三十里明洪武二十五年置廣寧前屯衛於此今廢

廢中前所

城西南百六十五里明宣德三年置千戶所於此屬

廣寧前屯衛

廢中後所

城西南八十里宣德三年置千戶所於此屬廣寧前

屯衛

本朝廢所設城守巡檢司治之

廢中右所

明置在寧遠

廣寧縣境內古蹟

望平縣

漢置久廢遼卽其地置山東縣金復漢名元省鍾秀

縣入焉十五年爲望平軍民千戶所後復爲縣明廢

按明一統志在今縣城東北一百五十里

無慮縣

漢置晉省入望平

按顏師古註漢書云無慮卽所謂醫無閭據地在今縣界內舊址無

考

顯州

本渤海顯德府地遼置以奉顯陵曰奉先軍統三州  
三縣金改州為廣寧府按顯陵在醫巫閭山州當在今縣界內舊址無考  
奉先縣

本漢無慮縣遼置顯州附郭金廢

渭州

軍曰高陽遼駙馬都尉蕭昌裔建在顯州東北二百  
五十里

壕州

遼置本遼東西安平故地在顯州東北二百二十里

原州

遼置本遼東北安平地在顯州東北三百餘里今按

東北二百里外已入奉天府界內

福州

本北安平縣故地遼置在原州北二十里五代史福  
州遼蕭翰所治翰得罪胡嶠與部曲東之福州又東  
行過一山名十三山則十三山尚在福州之東與閭  
山無涉而前志與蔡珪所詠之十三山合而為一其  
誤無疑也

廣寧府

漢望平縣地遼置顯州金天輔七年置廣寧府鎮寧

軍領廣寧望平閭陽三縣

鍾秀縣

本遼奉先縣金改鍾秀縣屬廣寧府元至元六年省入望平縣十五年為望平軍民千戶所後復為縣明

廢按明一統志在今縣治西南三里

廣寧縣

漢望平縣地遼穆宗置山東縣隸顯州金改名隸廣寧府元廢在舊廣寧衛治之東

歸義縣

按遼史初置顯州時渤海民自來助後世宗嘉澗因籍其戶建縣隸顯州金廢故址無考

嘉州

遼置嘉州嘉平軍隸顯州金廢故址無考

長慶縣

遼置為遼西州屬縣金廢舊址無考

康州

遼世宗置屬顯州統率賓縣

閭陽縣

漢無慮縣地遼置奉陵縣隸乾州金改閭陽縣有凌河元初省縣置千戶所後以戶口繁多復立行千戶所後復置縣明廢縣置驛今其地在城西南五十里



閭山縣

本漢且慮縣遼開泰中置閭山縣

乾州

遼置乾州廣德軍以奉景宗乾陵領海北一州奉陵

延昌靈山司農四縣金廢

按明一統志在今縣城西南七里

奉陵縣

本漢無慮縣地遼置今廢

延昌縣

遼置金廢

順安縣

遼置隸懿州

靈山縣

本渤海靈峯縣地金置隸懿州

司農縣

本渤海麓郡遼併麓波雲川二縣入焉金廢舊址無考

海北州

遼置海北州廣化軍統開義縣金廢

按遼志在閭山之西南海之北

按五代史晉出帝過平州出榆關行七八日至錦州又行五六日過海北州至東冊王墓則州境即今之廣寧也

興州

本漢海宜縣地渤海置州領盛吉蒜山鐵山三縣遼置興州中興軍在東京西南三百里今應在廣寧縣界

遼州

按遼史本拂涅國城渤海為東平府領伊蒙陀黑比五州縣十八遼皆廢太祖改為州軍曰東平太宗更為始平領棋州與遼濱安定二縣有遼河羊腸河錐子河蛇山狼山黑山中子山金廢今州城故址無考而所屬山河皆今廣寧界內之地○按蒙州紫蒙縣本漢鏤芳縣地拂涅國置隸東平府後徙遼城并人黃嶺縣渤海復為紫蒙縣遼因之則東平亦拂涅國所置矣

安北州

遼以霸州安德縣

安德縣

遼置統河中縣初隸乾州更屬安北州

閭州

遼置近醫巫閭山在遼州西一百三十里

橫州

遼國舅蕭克忠部下牧人居漢故遼陽縣地因置州城在遼州西北九十里

安定縣

遼置屬遼金廢故址無考

唐壘

唐太宗征高麗駐兵之所

按明一統志在今城東南三十二里

誓臺

唐太宗征高麗築以誓師相傳在城東三十里

障鷹臺

城西二十里閭山西南第一峯

望海堂

在醫巫閭山遼東丹人皇王耶律倍好讀書不喜射獵購書數萬卷置之絕頂築堂曰望海遺址尚存

廣寧路

金爲廣寧府元封字魯古歹爲廣寧王初立廣寧行帥府事後以地遠遷治臨潢立總管府至元六年降爲東京路總管府屬郡十五年復分爲路行總管府事有醫巫閭山爲北鎮在府城西北一十里

遼王府

城內西北明初封遼王於此遺址尚存

鎮東堂

在城內鼓樓西明巡撫王翱建後改爲會議府今圯

廣寧衛

廢廣寧中衛

廢廣寧左衛

廢廣寧右衛

以上三衛俱在縣城內明洪武二十七年置衛治大凌河永樂元年徙治於此後皆廢

義州

索縣

漢置屬遼西郡晉因之唐末廢舊址無考今州境內所轄皆其地也

遼西州

遼置按遼史本漢遼西郡地世宗建遼西州阜成軍屬顯州金廢今按州城西四十里有遼西鎮

宜州

本漢繁縣地遼置義州崇義軍東丹王每秋畋於此

金改義州即今州城地

徽州

遼置節度使軍曰宣德在宜州北二百里已在邊外

弘政縣

遼置屬宜州金因之元廢境內有凌河按明一統志在城東北三十

十五里

開義縣

遼置初隸海北州後屬宜州金因之元廢按明一統志在城南

四十里

成州

遼置成州興府軍領同昌一縣金廢州改屬義州

川州

本唐青山州地遼會同三年詔為白川州後省為川州軍曰長寧領弘理咸康宜民三縣元隸大寧路

同昌縣

遼置隸成州金初隸川州泰和四年改隸義州元廢併入義州

金源縣

本唐青山縣境遼開泰二年置以地有金甸故名屬中京金因之元置大寧路大定龍山富庶和眾金源惠和武平併屬焉明皆廢按金史其地有駱駝山今在城北二十五里宜民縣

即遼川州金降為縣隸興中府

懿州

遼置懿州廣順軍領寧昌順安二縣金因之改轄順安靈山二縣元初為懿州路至元六年為東京支郡所領豪州及同昌靈山二縣省入順安縣入本州明置衛永樂八年廢按一統志在廣寧衛北二百二十里以里數計之其地應在邊外又

按元方輿勝覽懿州管順安靈山徽川同昌四縣州境有羊腸河亦在廣寧縣境內

大定府

虞爲營州秦爲遼西漢爲新安平縣唐置饒樂都督府遼爲中京大定府統州十縣九金貞元初爲北京路總管府領興中府及義瑞興高錦利惠川建和十州中統三年割興州及其地在今城北松山縣屬上都路至元五年併和州入利州爲永和鄉七年興中府降爲州仍隸北京改北京爲大寧二十五年改爲武平路後復爲大寧領錄事司一縣七州九邊外所領州縣亦多不在境內元改大寧路明初割錦義建

利諸州屬遼東而於古會州大寧之地設北平行都司領二十餘衛所洪武十四年封寧王於此二十二年分兀良哈爲朶顏福餘大寧三衛以阿里失等爲三衛指揮同知燕王兵起首劫大寧兵及召兀良哈諸部落從行有功遂以大寧昇兀良哈三衛之地自全寧抵喜峯近室府曰朶顏衛自錦義歷廣寧至遼河曰泰寧自黃泥窪踰瀋陽鐵嶺至開原曰福餘衛衛惟朶顏衛去境遠泰寧福餘二衛近邊地又益之以大寧而遼東一帶愈覺單弱至

國朝蒙古部落皆備外藩邊陲晏然臂指之勢非前明

之可比矣

大定縣

本白霽故地遼置縣附郭金因之元中統二年省長

興縣入焉屬大寧路

按大寧路所屬大定龍山富庶和衆金源惠和武平七縣今多

未詳所在

歸化縣

遼置本漢柳城縣地

惠州

本漢上垠縣地遼為澤州廣濟軍金改惠州元因之

與興中義瑞高錦利川建八州並屬大寧路明廢一

統志載之今考其地在邊界之外

按遼史有惠州惠州和軍本唐歸義州

地今亦無考

饒慶鎮

金置隸開義縣今在城西五十里前志云俗傳誤為

饒慶縣

按元方輿勝覽云金崇義軍管弘政開義饒慶三縣是金已改鎮為縣史冊或未詳耳

廢廣寧後屯衛

在城內洪武二十五年置初治舊懿州永樂八年徙

治於此

國朝廢

舊遼陽城

在城東二百里建置之年無考

舊錦州城

在城西南一百七十里建置之年無考

三座塔古城

在城西南一百五十里建置之年無考

義州廢衛

在城內明洪武二十二年置衛

本朝廢康熙十四年設城守巡檢司治之後巡檢移於

旅順口今置州

按錦州府境內即秦漢以來遼西郡也前漢遼西郡統且慮新安平令支

肥如賓從交黎陽樂狐蘇徒河文成臨渝黎共十四縣後漢遼西郡統陽樂海陽令支肥如臨渝五城今

或在邊外及永平府界內道里遠近之數多不能詳云

釣魚臺

在北門外明給事中賀欽建

鳳凰城境內古蹟

保州

高麗置領來遠一縣遼為保州宣義軍領定遠懷化

二軍來遠一縣金俱廢

按其地在鴨綠江西北

來遠縣

本高麗故縣遼因之金有來遠舊址無考

宣州



遼置宣州定遠軍與懷化軍并隸保州金廢今有宣城在城東南一百七十里

開州

本濊貊地高麗為慶州渤海為東京龍原府領慶鹽穆賀四州龍原永安烏山壁谷熊山白楊六縣遼建

開州鎮國軍領鹽穆賀三州開遠一縣金俱廢

按遼志稱

山上疊石為城周圍二十里今鳳凰城山上古城猶在唐薛仁貴征高麗與其大將溫沙門戰熊山擒善射者於石城即此

宗州

遼聖宗置在遼東石熊山統熊山縣

熊山縣

本渤海縣地遼置隸宗州

開遠縣

即高麗龍原縣地渤海因之唐初廢聖宗復建金廢

鹽州

本渤海龍河郡領海陽接海格川龍河四縣遼廢縣

以州隸開州金廢

穆州

渤海置會農郡領會農水岐順化美縣遼置穆州保和軍領會農縣金廢

會農縣

本渤海置遼因之隸穆州

賀州

本渤海吉理郡領洪賀送誠吉理石山四縣遼以賀州隸鎮國軍縣皆廢金併廢州

婆娑府

金史作婆速路總管府天德二年置元初置婆娑路直隸省至元十七年以婆娑府屬廣寧後廢為巡檢

司按明一統志在遼陽城東四百七十里今屬鳳凰城所轄地

臨瀋縣

遼置屬海州金屬澄州元廢按明一統志在海州衛東一百八十里今其地

屬鳳凰城所轄界內

率賓府

渤海率賓府地屬康州遼改率賓縣金廢舊址無考

按渤海傳渤海於古率賓國地置率賓府領華益建三州遼廢州存府金元州府俱廢今按建州在興京界內而率賓府及華益二州皆在鳳凰城界內

華州

唐渤海置遼併入率賓府舊址無考

益州

渤海置遼廢今城東南一百二十餘里朝鮮界有義

州城朝鮮人呼愛州

平壤城

明一統志在鴨綠江東一名王險城今在界外按遼志東

京所屬尚有涿州鴨綠軍渤海號西京鴨綠府都督神桓豐正四州神鹿神化劍門三縣遼時故縣皆廢新置弘聞神鄉二縣隸涿州東那縣隸正州又於涿州西北二百里置慕州今皆未知處所附記於此

寧古塔境內古蹟

金上京城

金初建都於此按金史熙宗天眷元年號上京會寧府建宮殿海陵遷都於燕廢上京止稱會寧府世宗大定十三年復為上京在長白山北按出虎水之傍今寧古塔有古城內有宮殿舊基土人猶稱東京即其地也按朝鮮界又有會寧府名未知的據更俟詳攷

金宮殿

按金史志上京宮室有乾元殿天會三年建天眷元年更名皇極殿慶元宮辰居殿敷德殿宵衣殿稽古殿明德宮明德殿涼殿五雲樓重明殿東華殿廣仁殿西清殿明義殿龍壽殿奎文殿泰和殿武德殿薰風殿又有開天殿混同江行宮天元殿世德殿太廟原廟社稷正隆間海陵盡毀宮殿宗廟平其址而耕鑿之大定二十一年世宗復修宮殿建城隍廟有皇武殿雲錦亭臨漪亭今寧古塔宮殿舊址皆大定後建也

長春州

遼置長春州韶陽軍領長春一縣隸上京舊址無考

按遼上京在今烏喇之西北而長春州乃鴨子河春獵之地其州城應在混同江之北

泰州

遼時本契丹二十部族牧地金置德昌軍隸上京大定二十五年罷之承安三年改置於長春縣以舊秦州為金安縣隸焉

胡里改路

金初置西至上京六百三十里元改軍民萬戶府後

廢今按其地應在寧古塔東虎兒哈河之傍

蒲與路

金初置萬戶承安三年改節度副使南至上京六百

七十里東南至胡里改路一千四百里元廢今按寧古塔疆

城混同江北則入蒙古界又按元史有蒲峪路屯田萬戶府至元二十九年設三十一年罷仁宗大德二

年撥蠻軍三百戶屬肇州蒙古萬戶府止留女直一百九十戶依舊屯田以地考之疑即蒲與路也

寥晦城

金史金太祖進軍寧江州次寥晦城城應在混同江

北今舊址無考

五國城

按金史五國城去上京東北千里明一統志云在三萬衛北一千里自此而東分為五國故名今烏喇界內城堡多無名相傳所屬三姓地方有五國城未知確否

合蘭府

元自開原以東為合蘭府水達達等路領軍民萬戶

府五一日桃温距上都四千里一日胡里改距上都

四千二百里大都三千八百里一曰幹朶憐一曰脫幹憐一曰孛苦江而混同江南北之民分治焉八角井

在舊宮東北石甃八角井欄猶存常有光自井出掘之得枯骨二具鐵砧二枚古鏡二圓雍正四年井中淘得銀牌一面鐫人姓名功績

黑龍江境內古蹟

黑水府

按唐書唐開元十年置黑水府設黑水經畧使其地南距渤海北東際於海西抵室韋南北二千里東西十甲後渤海盛府廢

陵墓

遼太祖陵

按明一統志在木葉山今木葉山在邊外有司皆於廣寧縣望祭

遼顯陵

在醫巫閭山 按遼史世宗以人皇王愛闔山山水奇因葬焉陵曰顯陵後世宗及皇后蕭氏甄氏亦葬於此明一統志云中作影殿制度宏麗

遼乾陵

在醫巫閭山景宗陵也 按明一統志上有窳神殿

遼豫王墓

卽遼主天祚也遼史入金降封豫王葬閭陽縣之乾

陵傍亦在醫巫閭山

遼平王墓

人皇王子隆先封平王葬醫巫閭山之道隱谷以上

陵墓今舊址俱沒

金懷節皇后墓

甄妃墓

在閭山舊址無考

完顏希尹墓

卽葉魯谷神金章宗以希尹始製國字加封贈諡立廟於上京納里渾莊歲時致祭其墓應在今寧古塔

界內舊址無考

完顏婁室墓

永吉州西二百里薄屯山有金源郡王墓

按碑文即婁室墓

東明王墓

按明一統志在復州衛東十里有明山高句麗王之墓于日東明葬其上今復州東二十里有東屏山墓湮沒無考

木華黎墓

按明一統志在廣寧左屯衛東北二十里元翰林學士揭傒斯撰碑

王珣墓

在義州城南四十里

王榮祖墓

義州城南四十二里

常遇春墓

在義州城南石人溝初名柳河川去城六十里

按明紀常

遇春已葬鍾山之陰今義州相傳有遇春墓豈遇春卒於柳河川先藁葬而後歸柩土人猶本其始而月歟

李成梁墓

在鐵嶺城東南屠家樓翁仲石馬儼然在列

宮孝子墓

在前屯衛名守禮

楊都督墓

在寧遠前屯衛名維藩

楊少保墓

在前屯衛名照諡忠壯

賀欽墓

在醫巫閭山光明谷

李王墓

在前屯衛北四十里塚大十餘畝名世未詳

大王墓

在前屯衛西北二十里名世未詳

賢者墓

在三姓境內碑鐫賢者墓未詳何許人

金侍郎墓

在鐵嶺城東北椴木嶺有守塚人役

姜女墳

在寧遠州老軍屯正南入海一里許

本朝

多羅勇郡王禮敦墓

在

永陵左

經古濟貝勒塔捕費演武墓

在

永陵右以上二墓每歲清明除夕附祭

莊親王舒爾哈齊墓

在城南一百里東京城之東北五里

穎親王薩哈廉墓

諡曰毅舊在城東南五里今遷太子河南平頂山下

和碩成親王岳託墓

在城南五里白塔之西

饒餘郡王母妃墓



在城北二台子

多羅勇壯貝勒穆爾哈齊墓

在東京北

多羅安平杜度貝勒墓

在遼陽城東北一百二十里響山

固倫公主墓

在義州城北二十里廟兒溝

楊古力墓

開國輔運推誠宣力封忠勇王在城北十里

蓬海墓

在城東南五里許內閣大學士諡文成

太祖時奉

敕創製國書

大爾差墓

輔國公諡剛毅在東京北

額宜都墓

封弘毅公在城東十五里

蜚英東墓

封直義公在城北五里康熙三十七年

聖祖仁皇帝東巡

親臨勲臣楊古力額宜都蜚英東之墓遣官奠酒

兔爾格墓

封忠義公在城東十五里

魯克述墓

追封光祿大夫一等公在城東一百二十里古石山

下孫格闡一等待衛贈資政大夫祔葬

把都魯席漢墓

克述子議政大臣封頭等襄壯公撫遠大將軍在城

東古石溝

宜爾登墓

一等伯內大臣諡忠直在城北十里毛鎮屯

明安墓

二等伯諡忠順在城北五里

宜孫墓

兵部尚書諡襄壯在城北五里

覺羅塞勒墓

內大臣諡勤懋在城西五里

超合羅墓

禮兵二部侍郎諡果壯在城東十五里

涂魯希墓

噶喇昂邦諡忠宣在城北五里柳條河

博爾津墓

都統諡忠宣在城西南十里

冷格里墓

都統諡武襄在城北十里瓦窑子

把都魯墓

都統諡敏壯在城東一百里

今按城東百里內無此墓或即把都魯席漢墓

前志復載也

安邊我墓

都統諡敏壯在城西十里藍家屯

何和禮墓

都統諡温順在城南六十里

何苟圖墓

和禮子都統三等公諡端慤在城南五十里

阿穆爾圖墓

奉天將軍諡襄壯在城東五里許

車克墓

翰林秘書院大學士諡文端在城東喇古峪

納爾臣墓

副都統諡端壯在城北十五里瓦窑子

鄂莫克圖墓

副都統諡壯勤在城西十五里

阿爾沙蘭墓

頭等侍衛 特賜立碑在城西北二十五里

格德里墓

二等精奇尼哈番諡端順在城北四十里

霸拜墓

三等精奇尼哈番諡信順在城東七十里

阿蘭珠墓

二等阿思哈哈番諡順毅在城南八十里光山屯

舒賽墓

三等阿思哈哈番諡壯勤在城西十五里

達諸護墓

三等阿思哈哈番諡襄敏在城北十里二台子

雅希禪墓

一等阿達哈哈番諡敏果在城東北十里曾家屯

西喇把墓

三等阿達哈哈番諡順壯在小南關墻外

安達禮墓

三等阿達哈哈番諡忠介在城西北十里

盛京通志 卷之二十一  
敦達禮墓

三等阿達哈哈番諡忠果在城西北十里  
衛奇墓

三等阿達哈哈番八門總管諡端勤在城北十里  
平南親王尚可喜墓

諡曰敬在海城縣東南十里親屯現有佐領一員管  
理族務看守墳墓

定南王孔有德墓

諡武壯在遼陽城東南十里花園村中

靖南王耿仲明墓

在蓋平縣連陰峪

彭春墓

一等公都統太子少保在遼陽城東北八十里八家  
子

沈永忠墓

國公代管湖南將軍事在盤山寨

范文程墓

在錦州府虹螺山

石漢墓

一等伯加拖沙拉哈番在遼陽城東三里

杜磊墓

二等伯城東七十里枕橋鋪

吳萬福墓

福寧總兵加左都督太子少保在城東南八十里

巴士漢墓

太子太保刑部尚書拜他布勒哈番在遼陽城東北  
十里迎水寺

董秉忠墓

奉天府府尹世襲都指揮在遼陽城北三里小堡村  
喇嘛塔

在遼陽城南三里天聰四年立碑

盛京通志卷之二十八

盛京通志

卷之二十八 陵墓附

三

盛京通志卷之二十九

帝王 后妃附

盛京東連長白西峙醫闞大海分派以南環龍江合流  
而左注誠天府之國王氣所鍾也欽惟

太祖高皇帝闢土開疆肇基王迹

太宗文皇帝創制顯庸聲教覃敷

世祖章皇帝定鼎燕京統一區宇

聖祖仁皇帝治隆化洽寶歷綿長

世宗憲皇帝聖德廣運至治光昭今

皇上恭紹鴻圖垂億萬世地以人興德與運會洵千古一

時哉維天眷顧有開必先臨潢以金箭造邦同江以  
慶雲啟瑞遼金二祖創建神畿累葉相承專詳史冊  
志所宜及世次未敢遺也

遼

太祖

按遼史遼之先出自炎帝世爲審吉國可知者自竒  
首始竒首數傳至耨里思大度寡欲令不嚴而人化  
是爲肅祖子薩烈德卽懿祖懿祖子勻德教民稼穡  
善畜牧國以殷富是爲元祖子撒刺的仁民愛物始  
置鐵冶教民鼓鑄是爲德祖卽太祖之父也世居潢

水南霞灑益石烈耶律彌里故爲耶律氏太祖諱億  
一名阿保機相傳耶律氏之先有男子乘白馬女子  
駕灰牛相遇於遼水上遂爲夫婦卽大賀氏也生八  
子爲八部曰但利皆曰乙室活曰室活曰納尾曰頻  
沒曰納會雞曰集解曰奚嗚常推一人爲王唐光啟  
中痕德董可汗欽德畧奚室韋等部而役屬之欽德  
衰諸部以阿保機爲王乃併八部爲一是爲遼太祖  
初太祖母夢日墮懷中有娠生時室有神光異香三  
月能行旣長身長九尺目光射人建國後東征西討  
信威萬里梁開平元年丁卯上尊號曰天皇帝神冊



三年城皇都在位二十年壽五十五重熙二十一年  
謚大聖大明神烈天皇帝

皇都本漢遼東郡西安平之地太宗時更名上京

太宗

諱德光太祖次子即位三年陞東平郡為南京即位  
之初仍號天顯隨取營平二州十一年乙未冊石敬  
瑭為晉皇帝十三年以所居為上京臨潢府改南京  
為東京即會同元年也會同九年滅晉明年降晉皇  
帝重貴為侯徙之黃龍府建國曰大遼改元大同在  
位二十二年年四十六重熙中增謚孝武惠文皇帝

東京即今遼陽州

世宗

諱阮太祖孫東丹王倍之長子母蕭氏世宗即位追  
謚考為讓國皇帝妣為柔貞皇后在位五年年二十  
四統和中加謚孝和莊憲皇帝

穆宗

諱璟太宗長子在位十八年年二十九重熙中謚曰  
孝安敬正皇帝

景宗

諱賢世宗次子在位十三年年三十五重熙中加謚  
孝成康靖皇帝

聖宗

諱隆緒景宗長子初即位復國號曰契丹二十五年

建中京在位四十九年壽六十一景福元年上尊諡

曰文武大孝宣皇帝

按地里志中京秦為遼西漢安平縣地聖宗見七金山雲氣有

樓閣狀因建都

興宗

諱宗真聖宗長子性至孝居喪百官請以日易月不

許在位二十四年年四十清寧元年上尊諡為神聖

孝章皇帝

道宗

諱洪基興宗長子立二十年復國號曰大遼在位四

十七年壽七十諡仁聖大孝文皇帝

天祚

諱延禧道宗孫昭懷太子濬之子壽隆七年即位羣

臣上尊號曰天祚皇帝在位二十四年見獲於金降

海濱王送長白山東築室居之踰年卒年五十四先

是天祚奔夾山耶律淳居守為李處溫等所立是為

北遼淳卒妻蕭氏立金人入居庸蕭氏奔夾山天祚

殺之耶律大石自立是為西遼又再傳亡於乃蠻遼

自梁開平元年丁卯立為帝至天祚二十四年乙巳

共九主享國二百一十九年 大石初建國號曰延慶三年改元康國在位十二年廟號德宗妻塔不煙稱感天皇后改元威清在位七年子夷列立改元紹興在位十三年廟號仁宗妹普速完權國稱制改元崇福歷十四年仁宗次子直魯古立改元天禧在位三十四年爲乃蠻王屈出律所擒西遼遂絕附記於此

金

太祖

金之先出靺鞨氏本號勿吉古肅慎地也元魏時勿吉有七部曰粟末曰伯咄曰安車骨曰拂涅曰號室曰黑水曰白山至隋稱靺鞨唐初惟有黑水粟末二部粟末部後爲渤海大氏稱王傳十餘世黑水部居肅慎地東瀕海南接高麗境內有白山黑水卽今之長白山黑龍江也金之始祖諱函普居完顏部僕幹水之涯生烏魯卽德帝德帝子跋海卽安帝安帝子綏可卽獻祖始務耕墾制宮室定居安出虎水之側獻祖子石魯卽昭祖始立條教部落寢強遼以惕隱官之昭祖子烏古迺卽景祖遼以爲節度使景祖子劾里鉢卽世祖頗刺淑卽肅宗盈顛卽穆宗兄弟相

繼爲節度穆宗後傳世祖長子烏雅東是爲康宗太  
祖卽世祖次子本名阿骨打宋政和五年乙未卽帝  
位國號大金改元收國更名旻天輔四年克遼上京  
六年取中京西京燕京在位九年壽五十六諡武元  
皇統五年增諡應乾興運昭德定功睿神莊孝仁明  
大聖武元皇帝

太宗

諱晟本名吳乞買世祖第四子太祖同母弟也爲諳  
班勃極烈天輔七年卽帝位以海古地爲京師天會  
三年威遼伐宋四年宗弼宗望等入汴在位十三年

壽六十一諡文烈皇統五年增諡體元應運世德昭  
功哲惠仁聖文烈皇帝

熙宗

諱亶太祖孫豐王宗峻子也在位十二年三十一  
大定十九年增諡弘基纘武莊靖孝成皇帝

京府曰會寧卽  
今寧古塔地

廢帝海陵

諱亮本遼王宗幹第二子僕散忽土徒單阿里出虎  
等立之改皇統九年爲天德元年貞元初遷都燕京  
號中都削上京在位十三年南伐宋兵變遇害年四

十大定二年降封海陵郡王諡曰煬後廢爲庶人  
世宗

諱雍太祖孫許王訛里朶之子體貌奇偉髯長過腹  
胸間有七黑子如北斗形正隆六年海陵南伐世宗  
卽帝位於遼陽大定十三年復以會寧府爲上京時  
南北講好與民休息舉賢求言上下相安家給人足  
號稱小堯舜在位二十九年壽六十七諡光天興運  
文德武功聖明仁孝皇帝

章宗

諱璟世宗嫡孫在位二十年年四十一諡憲天光運

仁文義武神聖英孝皇帝

衛紹王

諱允濟世宗第七子在位四年胡沙虎爲逆追降東  
海郡侯興定四年追復衛王諡曰紹

宣宗

諱珣顯宗長子章宗庶兄也封昇王至寧元年八月  
徒單銘等迎立之貞祐二年避元兵遷都南京在位  
十一年壽六十一諡繼天興統述道勤仁英武聖孝  
皇帝

哀宗

諱守緒宣宗次子在位十年宋元兵逼殉節於幽蘭  
軒是為末帝 金自宋政和五年乙未改元收國至  
哀宗天興二年甲午共九主享國一百二十年  
遼后妃

太祖淳欽皇后

述律氏諱平太祖即位羣臣上尊號曰地皇后

太宗靖安皇后

蕭氏小字温淳欽皇后弟室魯之女帝為大元帥納

為妃生穆宗及即位立為后

按蕭氏即乙室拔里氏太祖慕漢高帝故耶律

儼稱劉氏以乙室拔里比蕭相國為蕭氏太祖以上  
追尊蕭祖懿祖元祖德祖諸后皆蕭氏遂世為后妃

任其國  
事云

世宗懷節皇后

蕭氏小字撒葛只淳欽皇后弟阿古只之女帝為永

康王納之生景宗天祿末立為后察割作亂后遇害

諡孝烈重熙中更諡懷節

世宗妃

甄氏初納為妃後立為后

穆宗皇后

蕭氏內供奉翰林承旨知璠之女

景宗睿智皇后

盛京通志 卷之二十九  
蕭氏北府宰相思溫之女諱綽帝納爲貴妃尋冊爲  
后生聖宗聖宗立尊爲皇太后

聖宗仁德皇后

蕭氏小字菩薩哥睿智皇后弟隗因之女統和十九  
年冊爲齊天皇后興宗立遷后於上京年五十追尊  
仁德皇后

聖宗欽哀皇后

蕭氏小字耨斤選入宮生興宗興宗卽位遷仁德皇  
后於上京自爲皇太后清寧初尊爲太皇太后

興宗仁懿皇后

小字撻里欽哀皇后弟蕭孝穆之女也選入宮生道  
宗立爲后道宗卽位尊爲皇太后

興宗貴妃

蕭氏小字三嬪駙馬都尉蕭匹里之女帝卽位立爲  
后重熙初降貴妃

道宗宣懿皇后

蕭氏小字觀音清寧初立爲后生太子濬耶律乙辛  
惡之與濬皆以誣廢死乾統初諡宣懿併追尊濬爲  
大孝順聖皇帝濬妃蕭氏曰貞順皇后

道宗惠妃

蕭氏小字坦思選入宮立為后太康八年降惠妃天  
慶六年封太皇太妃

天祚皇后附文

蕭氏小字奪里懶乾統初冊為后 文妃蕭氏名瑟  
瑟善歌詩嘗作歌諷諫為蕭奉先所誣與其子晉王  
敖盧幹皆遇害

金后妃

太祖聖穆皇后

唐括氏天會十三年追諡

按金始祖明諡皇后完顏部人年六十嫁始祖生諸

帝又德帝思皇后安帝節皇后獻祖恭靖皇后昭祖威順皇后徒單氏景祖昭肅皇后唐括氏世祖簡翼

皇后孛懶氏肅宗靖宣皇后蒲察氏穆宗貞惠皇后烏古論氏康宗敬禧皇后唐括氏皆天會十五年追諡以上諸后史或闕其族里然槩在長白山混同江左右之地

太祖光懿皇后

裴滿氏天會十三年追諡

太祖欽憲皇后

紇石烈氏天會十三年尊為太皇太后

太祖宣獻皇后

僕散氏睿宗母也大定元年追諡

崇妃蕭氏

熙宗時封貴妃天德二年尊封太妃海陵母大氏事



妃甚謹海陵不能平以誣死大定十九年改葬追封  
崇妃

太宗欽仁皇后

唐括氏太宗妃熙宗尊為太皇太后

熙宗悼平皇后

裴滿氏熙宗於天會十三年即位追尊其考豐王宗  
峻為景宣皇帝妣蒲察氏為惠明皇后天眷元年立  
裴滿氏為后天德中諡悼平皇后

海陵嫡母

徒單氏宗幹之正室也無子次室大氏生海陵天德

元年尊幹為帝廟號德宗尊徒單氏為皇太后正隆  
六年以止海陵南伐遇害大定間追諡哀皇后尋降  
為遼王妃

海陵母

大氏天德元年與徒單氏並尊為皇太后大定間降  
為遼王夫人

海陵后

徒單氏天德二年立為后

睿宗欽慈皇后

蒲察氏幽王訛里朶之正室也世宗即位東京追尊

幽王爲帝廟號睿宗追尊蒲察氏爲皇后

貞懿皇后

李氏世宗生母大定初追尊爲后

世宗明德皇后

烏林答氏世宗在濟南海陵召后后發濟南至良鄉自殺世宗重其節卽位二十餘年不立后

元妃

李氏南陽郡王李石女衛紹王之母也大定七年進元妃衛紹王立追諡光獻皇后

顯宗孝懿皇后

徒單氏父貞駙馬都尉母夢神人授以寶珠光燄滿室旣寤而生紅光燭庭世宗爲太子允恭娶之生璟是爲章宗章宗卽位追號允恭曰顯宗尊徒單氏爲皇太后

昭聖皇后

劉氏遼陽人幼讀孝經旬日終卷大定元年選入東宮生宣宗宣宗卽位追尊爲皇太后祔顯宗廟諡昭聖

章宗欽懷皇后

附元妃李氏

蒲察氏上京路人章宗爲金源郡王備禮親迎封夫

人及卽位追冊爲皇后 李氏名師兒封元妃定策  
立衛王完顏匡構之賜死

衛紹王后

徒單氏大安元年立爲后

宣宗皇后

王氏中都人貞祐二年立爲后哀宗卽位尊爲皇太  
后

靈宗明惠皇后

王皇后之姊也選入宮生哀宗哀宗卽位尊爲皇太  
后正大八年諡明惠

哀宗皇后

徒單氏宣宗及后有疾后嘗割膚以進正大元年立  
爲皇后

盛京通志卷之二十九



